

Studiantenan di Hogeschool Rotterdam ta trahando plan pa Steenweg

ORANJESTAD – Tur aña fundacion Monumenten Fonds ta realisa un proyecto den colaboracion cu studiantenan di Hogeschool Rotterdam.

E grupo di estudiante aki cu ayera a tene un conferencia di prensa dilanti di edificio monumental di ex Botica Aruba, ta trahando un plan pa e area aki di Steenweg, pa tras di caya grandi.

Durante dos siman largo e studiantenan aki ta trahando un plan pa reactiva e area aki y busca alternativa pa e bira mas atractivo. E plan aki lo ta cla diamars awor.

Plan

Sr. Arjan Karssenberg kende ta guia e grupo di estudiante

aki a indica cu ya caba nan a yega di traha e tipo di plan aki. E prome aña nan a traha un plan pa Rancho. Despues, aña pasa el a bira na San Nicolas y e aña aki a bira Steenweg.

Nan ta kedando den edificio mes di ex Botica Aruba cu a wordo adkiri pa Monumenten Fonds y condiciona pa e grupo di studiantenan por keda drumi y traha.

E producto final lo ta un plan riba con bo ta trece fluho di hende for di caya grandi y Wilhelminastraat pa e caya ey. Nan ta busca informacion di Aruba for di diferente fuente pa asina elabora nan plan.

Bon desaroyo

Den e grupo aki di ocho stu-

diente ta figura Israel Schoorewolf kende ta un hoben di Corsou. El a declara na Bon Dia Aruba cu esaki ta e prome

biaha cu e ta bishita nos isla, y e ta haya cu e desaroyo cu ta tumando luga ta hopi bon, considerando cu nos ta un



pais chikito riba mapa.

“Mi ta haya hopi bon e plan cu nan ta haciendo akinan, mirando cu nos ta desaroyando pasobra nos kier bira un mundo mas miho den un mundo caro”, el a bisa. E haya cu mes cos cu Corsou, Aruba tambe ta mira e balor cu e monumentonan arkitectonico tin. □